



CERTIFICACIÓN

D.^a María Cristina Varela García, secretaria do Concello de Vimianzo (A Coruña),

CERTIFICO:

Que a XUNTA DE GOBERNO LOCAL, na sesión extraordinaria do día un de febreiro de dous mil dezasete, adoptou, entre outros, o seguinte acordo:

“3º.- Concesión de subvencións

3.2. Aprobación das bases reguladoras dos Premios do Entroido de Baiñas 2017

Dase conta da proposta da Alcaldía, de data 31 de xaneiro de 2017, que se transcribe literalmente:

“PROPOSTA DE ACORDO

Premios do entroido de Baiñas, Vimianzo 2017

Visto o expediente tramitado a proposta da Concellería de Cultura para a aprobación da convocatoria premios do Entroido de Baiñas 2017.

Visto o informe de intervención de data 31.01.2017.

Visto que consta no expediente documento de retención de crédito, de data 31.01.2017.

De acordo co artigo 11 da Ordenanza Xeral de Subvencións e considerando a atribución concedida ao alcalde polo artigo 21.1 da Lei 7/85, de 2 de abril, Reguladora das Bases de Réxime Local (LBRL).

Visto canto antecede, esta Alcaldía realiza a seguinte **PROPOSTA**:

PRIMEIRO: Aprobar as Bases reguladoras dos Premios do Entroido de Baiñas 2017 que se concretan como segue:

PRIMEIRA.-

O concurso de disfraces **Entroido Baiñas 2017** celebrarase o sábado día 4 de marzo.

SEGUNDA.-

O prazo de inscrición de participantes será desde o momento de publicación destas bases ata o 3 de marzo ás 21.30 horas. A inscrición realizarase por teléfono no número 667654088

TERCEIRA.-

As comparsas e grupos deberán estar na Praza do Outeiro ás 20.00 h para proceder ao pasarrúas pola vila que finalizará no pavillón, lugar onde terá lugar o concurso de disfraces diante do xurado. É obrigatorio a participación no desfile.

CUARTA.-

Establécense as seguintes categorías no concurso:

1. **COMPARSAS:** agrupación formada por un mínimo de vinte (20) compoñentes, que garden unha unidade temática, e que desfilen ou realicen algunha actuación, ben sexan coplas, bailes ou representacións.
2. **GRUPOS:** agrupación formada por un mínimo de tres (3) e un máximo de dezanove (19) compoñentes, que garden unha unidade temática, e que defilen ou realicen algunha actuación, ben sexan coplas, bailes ou representacións.



3. **PARELLAS:** agrupación formada por dous (2) compoñentes, que garden unha unidade temática, debendo cando menos un deles ser maior de 12 anos.
4. **INDIVIDUAL ADULTOS:** participantes a partir de 13 anos.
5. **INDIVIDUAL INFANTIL:** participantes de 0 a 12 anos.

Nota: un mesmo participante non poderá presentarse a dúas categorías

QUINTA.-

A orde no pasarrúas e nas actuacións rexeráse segundo o rexistro de inscrición.

SEXTA.-

Os participantes que necesiten música deberán entregarlla á organización antes do inicio do pasarrúas

SÉTIMA.-

As comparsas e grupos non poderán acceder ao pavillón con vehículos nin plataformas.

OITAVA.-

O xurado estará formado por representantes dos medios de comunicación da Costa da Morte. O xurado elaborará unha acta na que consten os premiados no concurso, asinada por todos os membros. A técnica de cultura elaborará un informe partindo desta acta para proceder ao pagamento dos premios.

NOVENA.-

O xurado deberá escoller os seguintes premios:

- 1º, 2º e 3º premio de comparsas
- 1º, 2º e 3º premio de grupos
- 1º, 2º e 3º premio de parellas
- 1º e 2º premio de adultos
- 1º, 2º e 3º premio infantil

DÉCIMA.-

Para a selección dos premiados o xurado terá en conta o pasarrúas, a representación ou actuación realizada durante o concurso, a orixinalidade e a confección dos disfraces

UNDÉCIMA.-

As contías dos premios do concurso serán:

COMPARSAS	GRUPOS	PARELLAS
1º premio: 300€	1º premio: 175€	1º premio: 100€
2º premio: 250€	2º premio: 150€	2º premio: 75€
3º premio: 200€	3º premio: 100€	3º premio: 50€



INDIVIDUAIS ADULTOS

1º premio: 75€

2º premio: 50€

INDIVIDUAIS INFANTÍS

1º premio: 50€

2º premio: 30€

3º premio: 20€

DUODÉCIMA.-

As comparsas participantes, que non resulten premiadas polo xurado, outorgaráselle 100€ pola participación no concurso. Establecese un máximo de catro comparsas con dereito a este importe.

DÉCIMO TERCEIRA.-

A participación no concurso supón a aceptación destas bases, sobre as que, diante de calquera dúbida, prevalecerá a resolución que adopte o xurado, por maioría simple dos seus membros. O incumprimento das bases suporá a descalificación no concurso. En contra das decisións do xurado non caberá ningún tipo de recurso.

SEGUNDO: Remitir a Base de Datos Nacional de Subvencións a información requirida para a remisión por ela ao BOP do extracto da convocatoria e publicación na mesma Base de Datos, de acordo co artigo 18 e 20 da Lei 38/2003, Xeral de Subvencións.

TERCEIRO: Comunicar o presente acordo aos departamentos municipais afectados para o seu coñecemento e efectos oportunos.

Vimianzo, 31 de xaneiro de 2017

O alcalde

Manuel Antelo Pazos"

A Xunta de Goberno Local, por unanimidade dos seus membros presentes, aproba a citada proposta, elevándoa a acordo nos seus propios termos."

E para que conste, expídese esta certificación de orde do alcalde, coa salvedade que establece o art. 206 do ROF, en Vimianzo.

Visto e prace

O alcalde

